

王龍溪全集
(一)

清・道光二年刻本影印
叢書彙編第一編之一

王龍溪全集

(一)

明・王

畿撰

華文書局股份有限公司印行

道光壬午年鐫

重刻王龍谿
先生全集

王龍溪先生全集序

山陰王龍溪先生陽明王公之高弟也自陽明公特闡致
良知以爲學者宗一時人心初聞有所感發因從而及門
者百數十人然惟先生相從最久一悟而徹且信故陽明
先生之沒所寄以續斯道者惟先生是賴余與先生同鄉
而生也晚先生忘年與之交間嘗謂沐曰余平生不能爲
文然一生心精皆在會語相從縉紳士大夫以及受業之
英相與往復問荅者而吾師之微旨在焉我死子其爲我

序而傳之矣。悚然不敢忘先生沒而子應斌應吉集其書成凡二十卷。先生門人郡守拙齋蕭公刻梓以傳。而應吉走數百里問序於山中。余不敢辭。余惟道學之傳始自虞廷。危微精一執中。迨至宋末而學者雜于功利詞章訓詁口耳。不能自得于心。而反求于外。其來非一日矣。陽明先生乃獨號於衆曰。致良知。提掇人心之靈樞。令學者知反之本心。而自得希賢希聖天德王道一以貫之。可謂發千古之秘藏。合三教之玄軌。有功于孔門者也。然當初倡之

時天下疑以爲禪其時與其門人雖有所發明而要不能盡詳也先生以獨悟微旨一時學者推以爲顏曾而先生亦自幸其得徹也故不辭周流以求同志於四方其意蓋欲盡闡陽明未盡之微於不墜間關翕聚無暇別擇不憚單遊遠涉若求售然故當時有疑其過且以爲謗者先生不爲易也余嘗以此扣之先生先生曰吾儒極闢禪然禪家亦有不可及者故昔智者大師有四宏誓曰未悟者令悟未解者令解未安者令安未涅槃者令涅槃今吾旣得

先師印証矣而忍於獨善不求同志哉且使吾峻其藩
垣高自標置非惟可免於疑謗且可有聞也而坐使先師
苦心之緒不傳非吾志也亦吾儒之不及禪者也故終先
生之身無一日不講學不會友反復諄切感孚鼓舞期於
必信而後已而凡嫌似之迹或冒而居之不辭故語其會
之所則有水西洪都白鹿懷玉南都滁陽宛陵幾遍江南
之地而會之人皆當時同志幾盡一世之英其所發明于
禪與儒也則剖晰幾微茫入毫釐使知必不相涉其語用

刻之爰書以引其端云皆萬厯丁亥冬十月旣望門人郡
守宛陵蕭良翰拜手書

龍溪先生文集序

文言之精也言心之聲也神明乎吾心其溢而爲精光自不可掩謂之文文與道非有二也昔者夫子嘗以文自任矣曰文不在茲乎曰言之無文行之不遠然而夫子固未嘗爲文也本其神明者而時出之以答問以垂訓卽片言隻辭有萬世不可易者焉斯文之至也世之爲文者雕心鏤肝掇藻擲華鍛鍊於體裁餽飭於詞句以爲文在是譬之剪綵刻楮非不煜煜可觀而生意索然終瘁已爾蓋文

與道歧而文始裂矣龍溪先生非有意於爲文者也其與人論議或有所著述援筆直書罔事思索繁而不加裁復而不爲厭非世文章家軌則要其發揮性真闡明心要剔精抉髓透入玄微其一段精光有必不可得而泯滅者餘竊謂先生之文非文人之文而夫子所云傳遠之文也先生爲王文成入室弟子文成晚年宗旨先生獨契之爲海內所共仰其與人爲善之心孜孜若渴斃而後已其立論雖本於良知而多所精詣發文成所未發其爲學從先天

立基直心以動不作掩覆不事包藏自信自成於世間一切毀譽是非毫無所入其念蓋聖門真傳的派而世之人或以形迹疑之夫自聖遠緒微溺於典要室厥性靈襲假疑真所從來久矣先生是集所謂俟後聖而不惑者與或曰夫子之言性與天道不可得而聞而先生每諄諄亟發之言者益藝聽者益玩非所以立教是又不然當夫子時性與天道非人不得聞也聞而得之者鮮耳今去夫子之時又遠矣學者馳求於外不知有心性之旨亦久矣藉令

傾底以告詔之猶然不悟而忍有所靳以不宣哉彼其恐
師門之秘終於湮沒皇皇焉若號人而求售至遭疑謗而
不改斯良工苦心也頃余過赤城晤敬所王先生王先生
曰龍溪公非獨其透悟處不可得而泯滅也其一腔愛人
熱心腸亦必不可得而泯滅知言哉是足以語先生矣先
生集凡二十卷爲會語者八爲書者四爲序者二爲記者
一爲襍著者二爲詩者一爲祭文者一爲誌狀表傳者一
其子應吉氏彙輯之合而曰龍溪先生全集而余爲訂次

功也則謂當戒慎于覩聞未具之時何思何慮本體與工夫原不相離其語體驗也則謂必以敵體真知平鋪感應于日用事物之間是謂天則而以閉關枯坐者爲等待自利簡易直截故一時在坐之士與及門有志者或恨聞之晚而服諸膺而凡宋儒一切粧綴影響攙和先生不屑也學者苟因先生之言而於陽明之學信之真篤則雖二儀之燾載三光之照臨五氣四時之推行代序古今之平治百嘉萬品之倫並育無害者皆此知此學之流行先生之

功顧不偉歟迨至江陵當國懼天下之議已毀書院禁講
學而先生之志始孤拂鬱不自得以沒矣後之覽先生之
集者其以余言求之庶幾有得乎時萬厯歲在戊子三月
朔年家侍教生王宗沐頓首書于搜寧精舍

重刻王龍溪先生全集序

自王文成倡道東南其學凡三變教亦三變最後乃主致良知之說晚年宗旨未及與學者發明詳盡文成沒後談良知者各以其性之所近卜度攬和立說未能歸一當時入室弟子首推龍溪先生陽明嘗謂先生曰吾門之士樸厚者未盡通解穎慧者未盡敦毅能闡明吾學者無如子先生亦嘗有言曰我是師門一唯參又曰致良知三字及門誰不聞惟我信得及師弟間相視莫逆千載如見其心矣先生張皇此學不遺餘力自兩都及吳楚浙閩講堂林立莫不以先生為宗盟年踰耄耄猶周流不倦直欲使良